

四庫全書

集部

欽定四庫全書

玉山名勝集卷七

元 顧瑛 編

書畫舫題句

吳孟思篆顏

書帖畫圖浮彩鷁
筆牀茶竈狎輕鷗

記

會稽楊維禎廉夫

隱君顧仲瑛氏居婁江之上引婁之水入其居之西小

墅為桃花溪厠水之亭四楹高不踰墻仍上蓬下板旁
櫺翼然似艦牕客坐卧其中夢與波動蕩若有纜而走
者予嘗醉吹鐵笛其所容和小海之歌不異扣舷者之
為中無他長物唯琴瑟筆硯多者書與畫耳遂以米芾
氏所名書畫舫命之而請志於予予喟然曰自人文粲
於有熊氏後世變不已而有書文不已而有繪事書一
形而鬼夜哭繪一形而采色盲人之目矣子欲還治古
則惟恐書日煩繪日密又何顏之以為名與米芾氏爭

途於江淮上乎聖人取易之渙剝木為舟將以利天下
之不通耳又豈為子輩好名者設資之以侈書與畫哉
求書於書求畫於畫固不若求書畫於象先也君試與
客仰以觀星文之經緯俯以察地理之脉絡是大寶書
也遠以眺三神山之出沒乎海濤近以攬五湖之烟霏
七十二峯之空翠四時朝暮景狀不同又大畫苑也書
耶畫耶屬之芾耶屬之莪耶仲瑛嘆曰書畫若是舫將
安屬曰大地表裏皆水也大羅境界一楹之浮急旋水

中央而人不悟悟者必在旋水之外也吁天一大瀛也地一大舫也至人者以道為身入乎無窮之門超乎無初之垠斯有以見大舫於舫之外子能從之乎仲瑛起而謝曰甚矣子之言幾於道予知居舫而擬聞大道於舫之外者幸已幸已書諸舫為記

詩

婁江姚文煥子章

小築中流使翼然
牕開面面見清泉
微風淡沲生文采

如坐米家書畫船

四明黃玠伯成

扣舷擊節起歌鳴一榻橫舟小結廬篆籀古文三代上
丹青妙手六朝初虹光貫月夜將半江影涵秋涼有餘
零落宣和舊時譜無情汴水正愁予

吳龍門釋良琦

玉山之人清且賢賸藏書畫屋如船彩虹白月光連海
青草綠波春接天好事豈惟賓客玩承家已有子孫傳

一來清坐忘歸路每聽漁歌起暮煙

范陽盧熊公武

渡江那用楫憑虛真欲仙上君書畫舫為君招米顛

聯句詩序

三月三日楊鐵崖顧仲瑛飲於書畫舫侍姬素

雲行椰子酒遂成聯句如左

龍門上客下聽馬瑛洛浦佳人上水簾瑪瑙瓶中椰子

酒鐵崖赤瑛盤內水晶鹽晴雲帶雨沾香爇瑛涼吹飛

花脫帽簷寶帶圍腰星萬點

鐵崖

黃柑傳指玉雙尖平

分好句才無劣

瑛

百罰深杯令不厭書出撥燈侵蠅帖

鐵崖

詩成奪錦鬪香奩臂鞵條脫初擎研

瑛

袍袖弓彎

屢拂髯期似梭星秋易隔

鐵崖

愁如錦水夜重添勸君

更覆金蓮掌

瑛

莫放春情似漆黏

鐵崖

聯句終鐵崖乘興奏鐵龍之簫復命素雲行椰

子酒余口占云鐵笛一聲停素雲鐵崖擊節遂

足成一詩俾予次韻并錄於此

黃公壚西逢故人坐客各以能詩聞椰漿半斗破明月
鐵笛一聲停素雲繭紙題詩寫章草瓜皮看鼎辨周文
人生嘉會不有述何異市中羣聚蚊

瑛和韻

春水畫船如屋裏船頭吹笛隔花開并刀落手碎玉斗
椰蜜分香屬紫雲上客日傳金帖子美人夜織錦迴文
高堂醉卧翫觥月肯信東家帳有蚊

分韻詩序

遂昌鄭元祐明德

久以物景艱棘不到界溪溪之上顧君仲瑛甫
讀書績學尊賢好士當太平之時無時不過從
也睽違幾二年近以嘉平之三日扣君之扉荷
君留連不忍言別已而河東李君廷璧亦擎舟
來訪遂置酒書畫舫夜參半酒已酣析杜律句
春水船如天上坐老年花似霧中看平聲字為
韻人各賦詩而俾余為序因拈得春字次李君

得船字餘各以坐次分韻而賦云

鄭元祐得春字

雪舫夜寒虹貫月溪亭臘盡柳含春將軍結髮開全武
隱者逃名愧子真醉裏都忘詩格峻燈前但愛酒盃頻
芰羹青點沿牆薺斫鱸冰飛出網鱗稽古尚能窺草聖
送窮端欲致錢神周南老去文章在同谷歌終手脚皴
擗鱉歸來還自笑聞鷄起舞意誰嗔盍簪豈料有今夕
明日桃源又問津

李比珪得船字

臨池結構屋如舫絕勝南宮書畫船
知己相逢憐鶴髮開尊正喜對霜天
左圖右史明窗下奇石修篁曲檻邊
飲罷分題咏詩句夜深剪燭竟忘眠

顧瑛得如字

為人性僻愛幽居結得幽居畫舫如
沙嘴曉風開幔入簷牙晴日落窗虛
厨空尚有仙家酒歲晏能來長者車
汲澗緱寒因煮茗鑿冰船發為叉魚
米顛痴絕尤耽畫

鄭老窮愁却著書
爐篆寶香熏篤耨
硯泓春水滴蟾蜍
紙浮玉色供臨榻
月吐虹光照卷舒
許結老年三絕社
須君好事寫歸與

袁華得天字

我愛山中屋似船
曲闌倒影水行天
畫推鄭顧同三絕
書閱鍾王可並傳
把盞俄驚天欲雪
鉤簾却見月將弦
黃浮蒲蕊鵝兒酒
紅點椒花玉鬣鱗
北苑風流尤仕漫
南宮放曠任稱顛
柝鷺栖烏翻叢竹
琴動潛魚出九淵

山構雪巢吟木客樓居雲海晏神仙艱時會合須強飲
莫惜狂歌醉扣舷

范基得年字

愛君書畫舫不惜酒杯傳石鼎烹春雨蓬窗散暝煙分
題當此夕序齒媿吾年好事嗟牢落誰能繼米顛

釋自恢得花字

綠波池頭書畫舫窗閒晴日見梅花愛賢曾讀當時傳
好事嘗傳米老家座上酒甕傾臘蟻硯坳書水滴文龜

艱時會合須謀醉莫向空江嘆歲華

錢敏得中字

別館參差出迴廊窈窕通浴波花湛湛送月竹叢叢
癖虎頭絕顛名米老同分詩聯畫舫醉我憶湘中

是日詩成者七人詩不成者一人罰酒三兕觥
餞謝子蘭分韻詩

至正戊戌秋九月毘陵謝君子蘭過玉山謂予
言曰僕旅寓合塘之上今年夏秋苦淫雨田皆

白波與陂湖相通所居復卑下老妻稚子不遑
寧處兼乏樵蘇之所令於泗川里得屋一區主
於友人管伯齡其里亢爽宜禾麥予乃攜硯田
而就耕焉故來言別予遂置酒於書畫舫邀恢
公復初袁君子英陸君元祥朱君伯盛以江東
日暮雲分韻同餞予得東字子蘭得江字亦賦
詩留別餘字各有所屬云玉山顧瑛識

謝應芳得江字

浮家野老雙眉厖，披柁欲渡吳淞江。東將入海釣濤瀧，
玉山山中別老龐。西池之屋如舡艘，左書右畫堆滿窻。
燈花搖搖落銀缸，葡萄灑灑傾玉缸。四簷白雨飛流淙，
似裂媧石銀河潑。主人長歌客度腔，翕然鼓鐘相擊撞。
酒酣捉筆如長杠，千軍可掃鼎可扛。諸公大才如大邦，
騷壇百尺森麾幢。我來投戈乞受降，乃辱贈以白璧雙。
明朝短纜解舊椿，馮夷前驅鼓力逢。海濱懷人倚石缸，
書筒好寄黃耳尅。

顧瑛得東字

先生祖實康樂公於今為庶稱老翁
派流白鶴溪上住鄉里羣豪趨下風
叩門過我驚我儂頭帶笠子心忡忡
談空說有丘壑志抗塵走俗山澤容
自言千里竄荆棘此身漂泊如飛蓬
山妻未老髮半禿紉鍼主饋全婦工
大兒學詩次學禮小兒五尺儒門童
前年去年兵蔽野單堠雙堠人舉烽
孤舟如葉載雨雪朝浮暮汎西復東
寒蠅穴窗死鑽紙泥龜曳尾生脫筒
只令僦屋在姜里

黍穗雨黑波搖空米如買珠薪束桂壞壁四立鳴哀蛩
杜陵遷居憂國難阮籍命駕嗟途窮鷓鴣無枝何所寄
烏鵲三匝將奚從結心泗川得管子為借一畝幽人宮
與我斯文雅識面遲遲細語傾深衷我開船屋秋水中
綠波碧樹紅芙蓉推窗面面遠山入引鉤箇箇游魚逢
好事獨許米老得清賞當與岑參同畫張神筆駭癡鬼
書著芸香辟蠹蟲檣頭夜滴百斛酒佳菊爛發花叢叢
蟹斫兩螯白雪滿橘摘並蒂黃金重薦君之酒餞君別

莫辭大酌玻璃鍾君不見遠屋水流流入淞五湖四海
三江通君歸只在泗川上百里那消風一蓬君好去莫
匆匆足衣足食可禦冬回首虹光貫明月新詩多附高
飛鴻

陸麒得日字

南北兵戈猶未息東吳甲第俱蕭瑟辟疆園中書畫船
玉躡金題映細帙波光搖座碧縈迴山色入簾青萃律
毘陵先生江上來文采風流飽經術自言喪亂離故園

浮家湖海居無室只令又向江東住告別匆匆情愈密
主人展席臨清流賓客文章皆俊逸分題行酒歌驪駒
共看驚坐揮椽筆相逢我亦淪落人此別天涯更慄慄
大江水落西風高布帆東飛如鳥疾何時同作還鄉民
鼓腹謳歌太平日

釋自恢得暮字

結屋如畫船飛梁水中度迴窗與曲欄粲粲足可數書
卷高滿牀張圖設茶具驩虞集佳賓山水發深趣幽人

殊方來雅論夙欽慕眷言聊徜徉扁舟逐飛鷺明當送
子行相期遲歲暮

袁華得雲字

曲館衆芳歇芳塘西日曛赤闌楊柳影綠水白鷺羣謝
公浮家隱囊盛惟典墳書畫船自操子前中細君胡不
歸故里故里閭楚氛主人張離筵高軒水泆泆翼若青
翰舟汎彼江之濱扣舷歌小海問宇客如雲糾物解成
揚探題詩屢分君言適江東硯田事耕耘暫屈鴻鵠志

雜組雲錦文蹇予風塵表孤陋眇所聞何日往遊從騷
壇策華勛

寫蕭元泰詩序後懷達兼善

玉山君以尊賢好禮知名四方若余至為迂拙
而君不以余無似顧亦得以廁賓席第今年物
景艱棘久不至玉山堂上冬十月蕭尊師自越
至界溪君邀尊師觴咏笑樂時坐客分韻題詩
而蕭君為之序蓋自越道杭也目擊杭城遭賊

焚燬況尊師與予皆與白野達兼善公相友善
白野公為庸田使時得玉山君詩讀之常欲扁
舟訪君界溪未果而除浙東帥安知公死於王
事忠義之烈昭如日星使公在而獲睹尊師所
為序并諸君子所賦詩當重稱賞令公既歿而
蕭君與余亦皆老矣援筆感念為之慨然遂昌
鄭元祐識令至正十二年也

義興岳榆季堅

至正戊戌四月予自虎林抵吳城遂挈舟造玉山草堂以慰契濶留五日予不別而往與王叔明張高錫同寓山寺泰來峰樓居玉山主人與袁子英適與見過同飲清真觀竹池西軒玉山謂兵甲蝟集朋友星散會合誠難期再過草堂少為行樂而科役遽興愁嘆百出叔明亦謂艱難之際交遊之情正宜相勞玉山別後二日即同載如約玉山置酒梧竹間飲散於芝雲堂前

復坐池上書畫舫中玩月啜茶同集者袁子英
盧公武范君本予念出處蹇屯離合不偶援筆
賦詩以簡同志并賦云

岳榆

喧息波澄月一規醉闌賓客坐眠遲盃簪各遂三生願
避地惟求四海知媿我聰明非曩日喜君癡絕似當時
舊交尚有袁盧輩徒倚園亭共賦詩

吳興王蒙

亂後重登舊草堂主人延客晚樽涼風搖竹影書籤亂
花落池波硯水香離散頻驚年歲改夢魂愁絕路途長
欲知阮籍何由哭四海兵戈兩鬢霜

玉山顧瑛

碧梧葉大午陰垂展席臨風晚更宜客自遠方來不易
月從滄海上應遲王猷愛竹非無宅山簡觀魚別有池
洗盞政當傾契濶臨行毋惜重題詩

范陽盧熊

玉氣峻增散夕暉綠陰庭戶正芳菲池頭洗硯芭蕉合
竹裏彈碁翡翠飛適意樽罍情更洽相逢車笠近因稀
賦詩擬送王摩詰華子岡頭覓釣磯

汝陽表華

長日園池水竹陰臨流展席酒同斟花開蒼筤十枝雪
子熟枇杷一樹金未覺山王稱曠達更憑顧陸寫蕭森
獨憐黃鶴歸耕者詩酒何時再盍簪

欽定四庫全書

卷七

春暉樓題句

沈明遠隸顏

花下稱觴介眉壽

簾前舞綵報春暉

記

天台陳基敬初

吳郡崑山之界溪有園池曰玉山佳處隱君子顧仲瑛之別業也山之西為草堂堂之北為春草池跨池為屋以藏法書名畫如昔人之舫齋者舫上構重屋曰春暉樓與所謂湖光山色者相值仲瑛日率其子若孫為壽

於其親畢輒與賓客沉吟六義為詩以適登臨之趣嘗
誦唐貞曜先生孟郊氏遊子吟而有感焉既以春暉名
其樓且徵予文以為記嗟乎世之難遇者太平人之至
樂者具慶故風人之感恒不足於所遭而天下之情莫
不願於逮養彼重堂層軒迴廊複館與夫珍禽異卉世
之好事者皆可以力致至於俛仰四世具慶一門行無
羈旅之思居有園池之勝盡天下逮養之樂無風人不
足之嘆此蓋非人之所能必者雖萬乘之卿相不可強

而致也然則太平之士如仲瑛者亦可謂樂其心不違
其志矣而登臨容與顧猶有感於春暉云者豈所謂愛
日之心自知不足者乎然是樓也廣不四楹高不十仞
近則緡阜之坡陀馬鞍之酋萃遠則海虞之綿延陽城
之鉅浸與夫洞庭陽山朝光暮景出沒變化凡為其賓
客者皆執筆而賦之矣予獨推本其名樓之義而為之
記云至正十年十一月甲子葦羌山人陳基撰

詩

匡廬于立彥成

闌干曲曲倚晴暉，薄寒初盡春菲菲。
風吹花柳涵芳澤，日出草樹生光輝。
白髮老親盃屢進，斑衣兒子玉成圍。
青天倒影明湖水，時有白雲生翠微。

吳興沈石

春暉樓者吳下顧君仲瑛就養讀書之所也。仲瑛日與昆弟子姪奉卮酒為親壽，臨海陳敬初實記之。予不自揆，輒賦古詩二首，或者歌以介。

壽仲瑛之志也其詞曰

玉山之陽延萼縈紆有屋層出君子之居入奉父母出
與弟俱有琴有書以釣以漁濼濼流水深則可鯁英英
白雲適而不迂維春有暉維德不孤及爾子孫永言樂
胥

先哲有訓有典有經淑爾君子仰止景行我來自東春
日載明曰未覲止中心怵怵亦既覲止我心則平仰爾
父母及爾弟兄既和且煦令儀令名升堂拜母式表友

情維木有椿有蔚有榮維草有萱有茁有青韡韡常棣
有葉有生有猗者蘭有焯者荆有懿者德有休者徵樂
只君子百福來并

吳龍門釋良琦

君子娛親樂燕遊傍花臨水結飛樓青山西峙雲霞發
白日東生江漢流鶴髮垂垂似緜母鸞笙嫋嫋接浮丘
願持春酒相為壽亦欲題詩到上頭

河南陸仁良貴

煦煦旭日於赫明兮被於羣物奕有光兮既長既育恩
則滂兮有翼層宇子之宮兮父母樂豈式英慶兮以怙
以恃若春陽兮春暉是名志則臧兮貽厥子孫示于弗
忘兮

遂昌鄭元祐

陽春有暉汎在物表寸草承之不謂其小春陽暉暉彼
草離離區萌旁達土膏斯腓以區以萌仰此春日載茁
其芳載就其質陽春斯溥物意斯奄恩齊覆燾孰與之

尚詩人載歌悉物之情子於父母恩莫與京寸草春暉
茲云善諭人非貞曜意孰斯著彼美君子顧氏仲瑛樓
名春暉結構落成春暉之樓花香竹色瑛奉其親惟志
是獲奉親養志在昔孔難瑛娛其親滄澗具歡溫清室
廬和婉琴瑟載色載笑孝子愛日山水清輝在樓戶牖
奉觴壽親紅顏皓首倚人之生具慶實稀瑛得於天載
綵其衣瑛衣米米我詩泐泐富壽是鍾樂與瑛同

分題詩序

豫章熊自得夢祥

至正壬辰七月廿六日子自淮楚來於是道途
梗阻雖近郡不相往來獨予以六月達吳凡相
知者莫不驚訝予之迂而捷也越數日即謁玉
山主人於草堂中而匡廬山人在焉相與議論
時務凡可驚可愕可憂可慮者不少予乃曰於
斯時也弛張係乎理不係乎時升降在乎人不
在乎位其所謂得失安危又何足滯礙於衷耶

玉山主人方執玉塵長嘯意氣自如時適當中
秋之夕天宇清霽月色滿地樓臺花木隱映高
下是猶天中之畫畫中之天乃張筵設席女樂
襟袵縱酒盡歡同飲者匡廬仙子立彥成袞華
子英張守中大本玉山復擘古阮儕與胡琴絲
竹并歌聲相為表裏釐然有古雅之意予亦以
玉簫和之酒既醉玉山乃以攀桂仰天高為韻
分闋賦詩詩成者興趣橫生模寫風景殆無不

備後畫為圖書所賦詩於上亦足紀一時之勝
嗚呼於是時能以詩酒為樂傲脫物表者幾人
能不以汲汲皇皇於世故者又幾人觀是圖讀
是詩者寧無感乎余則引其首乃豫章熊夢祥
也

是夕以攀桂仰天高分韻題詩詩成者五人
張守中得攀字

主人宴佳客置酒重樓間明月當虛空星斗何爛斑清

歌間絲竹襍珮聲珊珊。思風塵際雅會良。獨難歡笑
盡。今夕不醉當無還。坐中松雪老孤標。出塵寰。浩歌復
起舞。不為禮所閑。明發渡淮水。仰望不可攀。

袁華得桂字

玉山池館何清麗。複道飛樓起迢遞。微風過雨開新霽。
素月流光照丹桂。松雲老仙客。淮濟翩然而來俄。止戾
握手道舊嗟。分袂祇今道路風塵際。美君匹馬度江淞。
抱關悍卒那敢睨。長裾曾向王門曳。主人愛客出高髻。

水絃象管歌聲脆
婪尾杯深酒頻泥
不飲何為嘆淹滯
安得壯士目裂眦
掃蕩羣凶清四裔
漢室毋忘封爵誓
黃河如帶山如礪
佇看偃武崇文莩
與子永結金蘭契

熊夢祥得仰字

行行別楚州
秋蕪半蒼莽
關河颺旌旗
令人心怏怏
禮樂百年間
於焉日悽愴
歷此艱危中
別郡政勞攘
何由得清夷
復見桑麻長
故人居桃源
買舟得獨往
坐我廣廈間
薄言慰遐想
維此秋方中
桂月延清賞
連甍接層

臺夜色亦蕭爽
主人情更真
頓覺脫塵鞅
吳歛侑金尊
謳歌共抵掌
歡會亦何期
樂事非勉強
醉後下高樓
涼月猶在仰

于立得天字

飛樓高倚玉繩邊
兩兩青娥舞繡筵
北斗倒懸江動石
清秋不盡水如天
故人相見風塵際
此夜同看海月圓
明夕光華應更好
買花重上泛湖船

顧瑛得高字

朱樓隔水度飛橋玩月張筵快酒豪同向鏡中看玉兔
恰如海上踏金鰲影搖大地河山動光射玄洲殿宇高
明夜中秋湖上去更攜紅袖泛輕舸

分題詩序

義興岳榆李堅

至正庚子孟夏黃鶴山人岳榆與相臺翟君文
中自吳城拏舟至海虞復過崑山訪顧君仲瑛
草堂值春暉樓前芍藥盛開仲瑛重置酒樓上

是日雷雨新霽風日淡蕩趙善長折金帶圍一
朶插瓶中及以紅白花擎繞攢簇朱伯盛督行
酒令集者七人天基道士于方外暨伯盛善長
先醉仲瑛謂人事惟艱天時自適友朋盍簪寧
無一語以紀其行樂乎遂以紅藥當堦翻一句
分韻賦詩而文中仲瑛于英并榆得藥字詩成
為序其首實四月十一日也

是日以紅藥當堦翻分韻賦詩詩成者四人

翟份得紅字

岸幘華池上開尊芳選中玉瓶分錦水紈扇度香風
粧靚舞衣薄嬌妥青雲紅莫辭秉燭醉妖嬈偏惱公

岳愉得藥字

張筵池上樓屬咏堦前藥翠雨帶烟濃紅雲倚風弱
滕茲廣陵情慨彼溱洧媚景當一酬洗盞須更酌

袁華得當字

春暉樓前春日長綠陰滿地鳴鷗黃紅紫紛紛逐流水

名花獨殿餘春芳粉容丹臉泣朝露飛燕玉環雙靚粧
天上故人宮奉常風流不減章臺張看花走馬日倒載
五雲坊西千步廊撫時懷舊多感慨每把新詩酌暢當
揚州金盃大如斗兔葵燕麥迷空場人生何為不醉飲
直待兩鬢飛秋霜

顧瑛得翻字

靈雨沐霽景初暎散朝喧林鶯啜餘春砌藥開當軒泣
粧露泥泥舞袂風翻翻流光不我邁久懷遲君論于以

樂尊壘於馬傾笑言

秋華亭題句

鮮于伯機書額

涼月挂簷成夜色

秋華滿樹作天香

詩

分題詩序

匡廬于立彥成

至正十年七月六日玉山主人置酒小東山秋
華亭上歌舞少間羣姬狎坐庭中時夜將半秋
聲露氣在竹樹間曲水縈帶山石下與銀漢同

流脩然若非人間世因分題賦韻如左

是夕以天上秋期近分韻賦詩詩成者三人

釋良琦得天字

片玉山西境絕偏秋華亭子最清妍三峰秀割崑崙石
一沼深通渤海淵鸚鵡隔窗留客語芙蓉映水使人憐
桂叢舊賦淮南隱雪夜常迴剡曲船北海樽中長激灩
東山席上有嬋娟紫薇花照銀瓶酒玉樹人調錦瑟絃
醉過竹間風乍起吟成梧下月初懸一聲白鶴隨歸佩

何處重尋小有天

顧瑛得秋字

開宴秋華亭子上共看織女會牽牛星槎有路連雲度
銀漢無聲帶月流取醉不辭良夜飲追歡猶似少年遊
分曹賭酒詩為令狎坐猜花手作闌最愛柳腰和影瘦
更聽鶯舌弄春柔金莖露落仙人掌錦瑟聲傳帝子愁
絡緯豈知都是怨芙蓉莫恨不禁秋碧空珠斗微風動
重欲移樽為客留

于立得期字

溪上新亭絕蕭爽四簷高樹碧參差香浮金粟秋盈把
涼沁瓊花月滿枝路近東山深窈窕水通遙漢共逶迤
銀瓶細瀉深杯酒羅扇新題小字詩曲倚瑤箏聲累咽
歌停翠瑤舞頻歌露零菡萏枝枝謝風入梧桐葉葉吹
每憶天孫候河鼓更煩星使問秋期道林明日難為別
更約山公醉習池

口占詩序

亭之主人顧瑛

七月九日復飲秋華亭上天香襲人幽花倚石
時猩猩軋琴與寶笙合曲瓊花起舞蘭陵美人
度觴與琦龍門行酒余為作詩以紀良會就邀

匡山龍門同韻

又到秋華亭子上東山爽氣正清妍堦前落葉不須掃
石上幽花自可憐越國女兒嬌娜娜蘭陵酒色淨娟娟
深樽賸有清香在留待瑤笙月下傳

釋良琦

亭上重來燕綺筵
秋花數樹向人妍
濁醪妙理自可信
白髮生秋何足憐
幽徑獨行苔冉冉
紅蓮堪把水娟娟
還山明日應相憶
寫得新詩趣鶴傳

于立

桂子開時香滿天
山光秋氣兩新妍
近人月色如相識
照水花枝若自憐
曲趨瑤笙聲宛轉
舞迴歌扇共嬋娟
此中不是人間世
饒舌豐干莫浪傳

澹香亭題句

趙孟頫篆額

暖香春淡淡
夜色月溶溶

附秦淮海簡一通

約頃首再拜上玉山徵君尊契文侍一節病目
略不能奉迴人之書於記室極切馳情近聞龍
門山開士水竹居士者咸集玉山草堂想日有
歌詠之樂也不勝懸懸良貴來聞欲得趙文敏
所篆淡香二字區區得之外家以矣但未有一

亭一臺以稱斯顏遂欣然歸之玉山益以驗是
物之有所遭也他日更當率吾儕賦之未晚辰
下秋高萬惟善自加愛為斯文珍重不具八月
十九日秦約再拜

詩

崑山郭翼羲仲

別館閒將擲果車
淡香亭下賞春華
東闌恰好清明節
千樹都開爛漫花
綺席霏霏吹雪暖
霓裳疊疊舞風斜

魏公翰墨秦家得一字千金未足誇

三山盧昭伯庸

玉山佳處野亭分
千樹梨花白似雲
仙袂倚風林下得
淡香和月夜深聞
生憎蛺蝶迷春色
不待狡獪換夕薰
西郭東關已陳迹
總傳芳扁重鵝羣

吳郡顧達

玉樹浮春暖
輕風扇夕清
霏微通繡幙
窈窕倚朱楹
酒壓霞光澱
衣承雪色明
徘徊顧林影
華月又東生

河朔張皞

風暖隨飛瓊雲凝點晴雪素妃集瑤臺光耀粲玉潔開
簾酌春酒香氣滿林發

方外余善

玉女乘鸞下絳霄梨雲漠漠帶烟飄簾開淡月香初發
雪滿柔條暖未消花下洗粧時載酒亭前度曲夜吹簫
主人愛客情懷好折簡頻煩遠見招

海屋文質

淡香亭前春可招雪花千樹開瑤瑤溶溶夜色照寒影
二月東風吹不消崑丘仙人天上客爛醉花陰坐瑤席
仙姝采香雲滿衣酒醒但覺春無迹人生歡樂苦不多
百歲流光若擲梭古來榮達已塵土對此不飲將如何

華亭殷奎

淡香亭外花無數盡說清明似洛中西郭愛看千樹雪
東關生怕五更風何郎酒怯羅衣薄荀令香薰霧縠空
吹遍內園天上曲坐深清夜月朦朧

四明張士堅

曲闌晝初寂瓊樹悶瑤扉漠漠春雲亂
皜皜素雪圍繁英粲疏檻芬芳蕩簾帷
於焉適幽賞吹笙乘月歸

君子亭

趙孟頫篆額

題句缺

序

安陽韓性明善

元泰蕭君過余里舍道吳中玉山顧君仲瑛之賢顧君
之屋泉石幽邃簞篋數百箇照映几席翠氣浮動君輕
衣緩帶日與賓客夷猶其間彷彿徂徠竹溪之勝故築
亭於玉山之側以所藏趙魏公君子亭三大字榜其額

賦咏疊筆子其序之嗟夫顧君於是賢於人矣人品不齊賞好隨異觀其所寓可知也至若泊乎其無好烏乎寓烏乎非寓惟至人為然顧君傲睨物表倘來名利不概於其心幽花叢薄嘯歌自命足以克其賞好何取於竹哉列子御風七日而返猶有寓於風也其行也泠然其止也肅然吾不知其所寓矣琅玕披腹隱節而虛中入乎無朕合乎無垠搏之而不可得也窮之而莫窮也吾不知其所寓也是道也竊有所聞而莫覩其微因蕭

君而問焉君其有以告余矣

詩

清河張天英楠渠

玉山隱者蓬萊客洞府蕭森鎖寒碧亭前長與鶴同行
亭外斷無車馬跡中有方丈之瓊田種出琅玕數千尺
雲動琅玕翠欲飛雲去琅玕淨如拭天風吹作鳳皇簫
地上殘雲化為石醉墨淋漓節下書脩脩鳳尾玄珠滴
王君一去令千年對此令人重相憶

勾吳李瓚子祭

新筍方迸地斑然錦籜齊春風欲披拂夜雨與蕃滋奮
迅蒼龍出蕭條綠鳳栖玉色凜蒼蒼翠節森猗猗七賢
有足尚六逸正堪希永言竹林下將以樂清時

延陵吳克恭寅夫

二月姑蘇城繁花壓城樓車騎相娛樂鼓吹間歌謳玉
山軒中意綠竹美且脩淡然君子交戛擊應鳴球風迴
雨光亂日薄雲氣浮頓令塵緣息竟與野性投當令顧

辟疆伊人王子猷撫膺涼云合散帙聊遲留伐竿損漁
性接筒悲下流仰止清淨觀俯慚筋骨秋卑哉澗間雀
暮色隱啾啾

天台陳聚敬德

聞君結屋滄江上萬竹青青帶薜蘿滿谷風聲秋不去
隔林雲氣雨偏多仙人騎鶴吹笙下狂客題詩載酒過
日暮新涼動蕭颯娉婷翠袖欲如何

吳興郊韶九成

扁舟憶過婁江曲脩竹泠泠隱者家五月涼風生艸閣
幾回白日照江沙幽人長夏尋棋局稚子應門理釣艖
更愛開門玉山裏隔溪千樹種梅花

龍門山釋良琦

隱居何蕭爽種竹竹林清露湛秋氣微雲蕩春陰汎
汎尊中酒泠泠石上琴於焉寄玄賞樂爾君子音

四明黃玠伯成

淇中綠竹似君子曾托風人入詠歌草棘無情頻欲洗

村蹊有數不須多平生冰雪堅貞操他日山林幽素科
吹作六筩聲似鳳老農思聽古笙和

淮海秦約文仲


華構瞰崇山深沉倚坡陀疏櫺覆

缺

芳池帶蕖荷虛

明缺月生圓文澄水波觴酌景忻過延佇情彌多曠言

君子心不樂將如何



玉山名勝集卷七

欽定四庫全書

集部
玉山名勝集卷八

詳校官中書_臣丁榮祚

助教_臣常循覆勘

總校官編修_臣王燕緒

校對官編修_臣盧遊

謄錄監生_臣李安國

欽定四庫全書

玉山名勝集卷八

元 顧瑛 編

釣月軒題句

杜本隸顏

月華中夜滿 雲影一絲懸

詩

蜀郡虞集伯生

方池積雨收新水 三四尺風定文已消 雲行影無跡 淵

魚既涖潛水華晚還出幽人無所為持竿坐磐石

丹丘柯九思敬仲

談笑從吾樂相過罷送迎凭闌看月出倚釣待雲生蝶
化人間夢鷗尋海上盟軒車總適意何物更關情

清河張天英楠渠

武陵溪頭月初上四邊玉樹涼暉暉片石如雲我獨坐
一雨滿池魚欲飛清童能唱白鳧曲老夫醉卧青蓑衣
嚴陵千古不可見但見客星朝紫微

欽定四庫全書

玉山名勝集卷八

元 顧瑛 編

釣月軒題句

杜本隸顏

月華中夜滿 雲影一絲懸

詩

蜀郡虞集伯生

方池積雨收新水 三四尺風定文已消 雲行影無跡 淵

魚既淡潛水華晚還出幽人無所為持竿坐磐石

丹丘柯九思敬仲

談笑從吾樂相過罷送迎
凭闌看月出倚釣待雲生
蝶化人間夢鷗尋海上盟
軒車總適意何物更關情

清河張天英楠渠

武陵溪頭月初上四邊玉樹涼
暉暉片石如雲我獨坐
一雨滿池魚欲飛清童能唱白鳧曲
老夫醉卧青蓑衣
嚴陵千古不可見但見客星朝紫微

匡廬于立彥成

夕息西軒陰頗愜濠上景持此明月鈎投竿釣清影流
螢暗飛度幽鳥棲還警遊鱗亦復來露下芙蓉冷

吳龍門山釋良琦

明月不可釣流泉仍至音天高雲與薄石古樹微陰豈
獨忘塵慮亦復散沖襟脩然濠濮趣契我幽人心

汝陽袁華子英

釋耕山中雲坐釣溪上月仰看白玉盤下浸紫貝闕

河南陸仁良貴

積雨水平磯釣簾月上衣照見珊瑚影蘭苔翡翠飛

勾吳李績子粲

空鈎意釣不在魴鯉我心清明月華墮水

臨海陳基敬初

開軒得新月褰衣涉芳沚我意不在魚投竿聊爾耳素
娥一何好娟娟映秋水重惜此流輝徘徊殊未已

遂昌鄭元祐明德

簞竹裁竿拂帝青山河影裏夜亭亭坐乾草際沾衣露
掣得波間在留星巨牯可應投貝闕長絲便欲繫天經
清光照徹磻溪叟方看霓裳舞廣庭

天台陳基

雨止玉山靜天澄華月新臨流敞畫舫投竿垂素緜綺
席接芳宴清言歎佳賓秉燭林喧鳥鼓琴波出鱗樂只
永清夜陶然適天真厚意諒莫酬鄙詞聊復陳

晉寧張翥仲舉

至正十年八月十九日子以代祀海上還抵吳
門仲瑛宴於草堂行窩時坐客能詩者九人以
玉山佳處之亭館分題賦詩予得釣月軒乃為
記小引并賦長句以別後夜毘陵倚舟望姑蘇
有玉氣如虹熊然上騰者必吾草堂諸詩之光
燄也復賦五言十韻以寄他日過玉山當為一
亭一館賦之

明月出滄海照見玉山東山人美良夜雅集草堂中飛

觴泛零露妍唱引流風秋聲度蓮葉幽光涵桂叢側聞
界溪上有室迴馮空水花拂竿縷波影蒙窗櫳委金忽
零亂沉魄更沖融沙禽驚欲起漁燈翳復紅夫君豈釣
者樂與在濠同子懷寄遐賞清吟殊未工

淮海秦約文仲

華月初垂野寒光已射衣歌竿魚避釣鼓柁鵲驚飛海
近江流合天空夕籟微遙應歌窈窕取醉竟忘歸

四明黃玠伯成

牀頭書篋似笭箬漁父滄浪寄此生臨水卜居聊遠俗
垂竿欲釣已忘情明時我自知魚樂今夜誰同看月明
千古羊裘一男子不貪祿位得真名

分題詩序

至止十年七月初五日琦龍門過玉山留數日
將汎蘭陵之舟而未果十二日起文高先生雨
中見過復留周旋是日飲酒釣月軒中秋暑乍
退雨止復作龍門琦以舊雨不來今雨來分題

余得舊字

是日以舊雨不來今雨來分韻賦詩詩成者五人

顧瑛得舊字

秋暑困人如中酒涼雨淒風忽相逗堦下決明花正鮮
池上芙蓉香欲瘦山人欲歸不得歸西夏郎官却相候
當軒不復問寒溫羣口詠詩如健鬪秋娘起拂紅綃袖
素壁看題今已舊舊雨不來今雨來故交那在新交右
坐聽飛溜落虛簷似與冰絃聲合奏清歡聊欲紀文字

長席還當陳俎豆人生有酒不為樂何異飛蚊聚昏晝
玉山醉倒稽叔夜紫芝光浮真德秀君今此行良不苟
請君一觴為君壽風簾官燭暗秋屏歸期已在黃昏後

于立得雨字

七月涼颼初破暑秋聲蕭蕭在庭戶清新故人忽見過
契濶有懷何足數西夏郎官好詞翰中州美人妙歌舞
懸知野衲解談天況有仙人能喫雨金刀削翠藕絲長
綠房破罌蓮心苦詩成脫穎或有神酒令分曹聊可賭

殷勤素手累行觴
瀟洒清談藉揮麈
紛紛市上聚蚊兒
昌黎先生唾如土

釋良琦得不字

七月已徂暑炎氣忽蒸鬱
涼風颭然至清風亦披拂
翳西軒下青桐照瑤席
欣言置樽酒雅歌襍琴瑟
高適適遠到照眼冰玉質
及門雨滿袖言笑春盈色
落落癡絕者雲夢在胸臆
抒辭麗文蒸賦詩奪鋒鏑
赤松脫世鞅思遠縛禪律
終慚山澤癯游從接文物
人生易契濶

歲月亦飄忽良會既非偶為樂豈云不明當蕩蘭漿歸
隱山中橘相思獨回首秋江玉峰屹

昂吉得來字

經年不見顧徵士長憶花前共舉杯一路涼風吹酒醒
滿船秋雨載詩來樓頭楊柳參差見池上芙蓉取次開
獨立水光山色裏雙雙白鳥忽飛回

顧衡得今字

幽人結屋在溪浚新雨滿牕涼滿襟翠竹隔簾浮玉氣

碧梧當檻護秋陰
佳人倚瑟歌頻發
狂客分詩酒累斟
待取月明移席醉
西風華髮古猶今

拜石壇

達兼善篆

寒翠所

達兼善篆

題句缺

附

東坡紀石

昨日與數客飲至醉今日病書以記之軾時元祐四年

二月四日也

附

東坡手帖

軾頓首昨日快哉亭與數客飲至醉才歸辱簡不逮即

卷八
答為愧春生雪未計尊體起居佳勝新詩甚清刻病酒
不敢率易趨韻幸少寬限否因書見過如何如何不一
軾再拜忠玉提刑執事

拜石壇記

瑛素有米顛之癖見竒峰怪石輒徘徊顧戀不忍舍去
或百計求之不得者必圖寫其形似標諸草堂壁間以
為几格供後至正戊寅四月下澣訪老僧巖叟於東城
之菴菴即故宋周太尉宅斷垣之外燕麥中有假山在

焉遂披榛約棘褰衣而登其上羅立諸峰已為好事者
輓載而去獨存一壁而失其左股歆卧於高梧之下上
有老坡題識觴詠之語易之以粟歸而立諸中庭左映
右帶無非松竹芭蕉枇杷之屬多者書帶草耳石之挺
挺拔拔如老坡獨立於山林丘壑間愈見其孤標雅致
也瑛加之拂拭永為子孫寶玩明年奎章閣鑿書博士
丹丘柯敬仲下訪見而竒之再拜題名而去丹丘詞翰
鑒博有元之元章也於是砌石為壇字曰拜石後三月

而御史白野達兼善來觀嘉丹丘之逸致為作古篆拜
石二字於壇又隸寒翠以美其所此石之名由是愈重
然皆未知所紀之詳至正乙未冬周履道秀才自梁鴻
山攜贈老坡手帖讀之乃是荅忠玉提刑快哉亭飲移
者上有賈秋壑私印其辭與紀石甚肖嘗記大全集中
有次王忠玉遊虎丘詩有次劉景文荅馬忠玉詩蓋當
時有兩忠玉焉然莫知其孰是及考宋史元祐四年坡
為翰林學士兼知禮部以論事積當軸者恨故請外拜

學士龍圖閣知杭州以避朝諂也瑛想老坡風流曠邁
行千里間有名山勝水豈不與友朋醉酒賦詩以快其
意又考諸雜錄忠玉乃王規父姪孫先坡在維揚後坡
渡江坡荅其詩有及君未渡江過我勤秉燭之句是則
書所記者王忠玉無疑矣然後知石乃維揚故物帖則
王忠玉家寶也吁石之在山不知其幾千萬年因坡之
題鑿而出山者又不知幾百年帖之壽又非石比兵殘
火燬輾轉流落人手者亦不知其幾百年今一旦二美

併來抑神物有所會合耶我玉山有所際遇耶又思丹
丘白野不二十年皆仙去坡仙有靈豈不能於風清月
白之夜挾二公同逍遙於此壇乎瑛亦豈不能摘古阮
酌一樽於此壇乎不因此石其能永傳敬書此記俾伯
盛朱茂才刊於他石使後之覽者知石與帖并拜石之
壇有所自來云時至正丙申正月五日金粟道人顧瑛
書於玉山草堂

銘

河南陸仁良貴

厥色斯蒼厥質斯剛元氣胚渾陰陽互藏有截嵩華倬
彼太行勿伏為虎勿起為羊說法點頭扣之庚庚大蘇
之誌海嶽之狂異世同符拜石缺永千萬年鎮茲玉岡
詩

壇之主人顧瑛仲瑛

好事久傷無米顛清泉白石亦悽然快哉亭下坡仙友
拜到丹丘三百年

汝陽袁華子英

眉山三蘇宋儒宗長公矯矯人中龍南遷僭耳西赤壁
文章光燄超洪濛快哉之亭雪初霽領客登覽山川雄
自云平生不解飲胡乃一舉觥船空答詩寬限見真率
鑿岨題石摩蒼穹功名富貴一丘土斷碑殘素傳無窮
吁嗟異物神所衛玉山合璧俄兩逢奎章博士丹丘翁
江南放逐驚秋風見之即下米顛拜二顛痴絕千秋同
築壇山中加愛護樹以松桂連椅桐雨窻雲戶濕寒翠

朝軒暮檻開清紅白野御史龍頭客青年獻賦蓬萊宮
戲將禿穎寫篆匾斷釵折股星流虹抵今風塵暗河嶽
王侯第宅皆蒿蓬牙籤玉軸映竹素好事獨傳吳顧雍
婁東朱珪鐵作畫字字玉屈蟠虬蟲嗟哉蘇公今已矣
慘淡故國風煙中如何二子復嗜古策勛妙墨收竒功
我來再拜重太息蒼蒼古雪吹長松登壇叫絕浮大白
酒酣目送孤飛鴻

太原郭翼義仲

偉茲秀石竒而雄億千萬年壽作朋何年天公召雷公
下驅六丁鑿混沌巨斧落手驚飛龍初疑帝遣神鰲首
戴海上之青峰又疑星慈墮地變化為芙蓉神物之神
固有鴻一朝當變遷霹靂千丈崩左股擘斷卧棘蓬虎
頭顛絕如南宮作壇置之衆不驚如在培塿視華嵩題
識沉重仇池翁仇池雪浪空玲瓏丹丘白野拜下風異
哉天地生物功一成一毀無終窮人之顯晦靡不同吾
嘗視天惟夢夢貴賤

缺

幽人采薇窮谷中石

也幸爾千載逢能令人拜壇再重洛陽丘墟牛李死甲
乙零落平泉空溝中之斷燹下桐荆山玉氣吐長虹賀
爾遭也天所蒙

三山盧昭伯庸

仙人拾得蓬萊股夜半蛟宮泣風雨胚渾融結玉流形
丹書盤屈含井熒阿瑛寶之喜且懾神物符將快哉帖
條歎欲起眉山翁刻銘紀石垂無窮吾曹此膝久不屈
來與阿瑛重拜石

武陵顧權

丹丘先生秘閣老搜抉英靈入幽討快哉亭上起秋風
錯落天球卧煙草坡仙與客同醉處醉墨淋漓洒寒翠
更遺手帖落人間異跡相符若神會昔年米芾守無為
好奇不缺我亦明當拜石丈高風復見虎頭癡

淮海秦約仲文

猗哉靈石神斧鑿玄精孕質疊巘崿烟痕殘溜交綺錯
玉立頰皴駭蛟經一朝風雨動林壑寒翠屬鼎慨淪落

醴陵諸孫若有托拂拭輿至驚且愕斑斑題字坡老作
好事博雅誰矩矱丹丘白野去渺邈冠佩再拜良不惡
構亭築壇匪云樂顛柯風流媿海嶽琢詞饒銘筆則削

春王正月歲在噩

芝雲堂題句

趙孟頫篆額

雲蒸瑞氣芝三秀
風動天香桂一枝

記

崑山東瀕海在吳屬邑獨以產石知名海內地誌謂山
舊常產玉玉出河源萬里外而謂玉產是山其信否不
可知也然今產石而不及玉其孚尹秀淑之氣宜有人
焉得之邑良士秀民非無有也然為農而樂於田里者
或失之朴為士而工於文學者或失之鑿工賈末業不

齒焉若夫精於士習而不鑿以求異安於田畝而不朴
且鄙惟顧仲瑛氏見之顧於吳為著姓自吳丞相雍以
下代有其人至仲瑛之前人家界溪溪望崑山裁十里
許其出雲雨蒸煙嵐近在目睫間仲瑛家於是蓋累世
矣內附後侗儻非常之人徃徃自致青雲之上於是仲
瑛之大父及其諸從父皆紆金曳紫貴赫顯著使仲瑛
少發其所蘊出為時用高可為名卿次不失為諸父顧
方讀書績學臨帖賦詩堂序几案列三代彝鼎唐宋人

書畫觴酒為壽以養其親且築室於溪之上得異石於
盛氏之漪綠園態度起伏視之其輪囷而明秀既似夫
天之卿雲其孳拳而瀟潤又似夫仙家之芝草乃合而
名之曰芝雲遂以其石樹於讀書之室後因名之曰芝
雲堂夫卿雲芝草世以之為瑞矣然雲氣之散聚芝草
之榮瘁豈能久而不變哉惟士君子積其所學尊其所
聞孝行著乎閭閻德業章乎里閭惟是美也譬之珠與
玉焉玉之蘊璞珠之在淵其光氣自有不可揜者吾知

仲瑛蜚聲騰實夫豈久淹於吳下者其為名卿而繼諸
父有日矣幸先以余所言鑿諸芝雲石上異時與彛鼎
游常併為不朽矣夫豈卿雲芝草之謂乎至正元年龍
集己丑秋八月乙巳遂昌尚左生鄭元祐記

詩

晉寧張翥仲舉

鳳丘三秀曇華蓋何年遺得自茅君未試仙家煮石法
置之銅盤生紫雲

一室林間絕埃氛
九莖當戶秀芝雲
好風晝日便清夢
莫使人書白練裙

淮海秦約仲文

海上金銀塢
朝暎散景遲
春明一拳石
雲護九莖芝
玉氣騰深谷
虹光射曲池
何曾祠太乙
采采候靈旂

張九可小山

奇峰移自漪
綠苑盤囷玉
連娟煮而食
之可延年
仙翁御氣飛
上天

西夏昂吉起文

漪綠園中石一拳十金移得置堂前
望中雲氣生芝草
春在仙人種玉田

四明黃玠伯成

石如芝草亦如雲清氣時兼紫氣新
顧我歌辭非漢代
看君眉宇似唐人尚疑古樸猶藏玉
何媿靈犀解辟塵
莫是暗中裁製得一杯可酌薛娘神

勾吳周砥履道

延陵吳克恭寅夫

朝來采三秀怡之

缺

素雲持歸有玉氣疑是故羊羣冷

泠合浮磬磊磊辨竒文莫製飛仙珮留奉陶徵君

匡廬于立彥成

玄洲種玉法傳自華陽君夜發五色氣朝凝三秀雲靈
液滋灌溉浮英結細縕忽聞笙磬響扣洞得玄文

汝陽袁華子英

堂陰有竒石如芝復如雲望雲懷友生采芝招隱君

河南陸仁良貴

芝雲被霧石朝氣承宇清酌彼仙掌露為君壽長生

遂昌鄭元祐明德

仙家芝草曄五色海日一照蒸成雲結為樓觀霄漢上
千門萬戶春氤氳斑龍誤騎有謫籍靈旂夜下星宮君
忽焉墮地變為石昆吾有刀切不得岩壑高深翠濤積
卿雲輪囷瑶草碧永護金粟仙人宅

勾吳顧敬思恭

芝雲主人絕蕭散燕坐草堂門不高古鼎隔簾香裊裊
新篁拂几玉亭亭十年苦思耽詩卷三日清齋寫道經
邀我醉眠書畫舫月明吹笛看雲汀

又題

至正壬辰九月十有一日子訪玉山主人於芝
雲堂觀向所題詩條已經歲撫事有感重賦四
言一章

煌煌紫芝英英白雲被彼靈石置我堂陰允矣為瑞蒸

自序
卷八
然為霖天地委和鍾此何淡君子致之德音孔任鹿鳴
在磻鶴舞在林零露沾衣清風肅襟挹此三秀懷此無
心有居容膝有朋盍簪飲酒樂胥式歌且斟含和茹醇
匪今斯今予豈溷濁歷茲崎嶇歸哉歸哉商山之岑

分題詩序

匡廬于立彥成

至正十年七月六日吳水西琦龍門偕隴西李
雲山乘潮下婁江過界溪詩來道問訊玉山主

人命騎追還草堂晚酌芝雲露氣已下微月在
林樹間酒半快甚欲賦詠紀興以風林纖月落
分韻拈題惟李雲山狂歌清嘯不能成章罰三
大觥逃去是日詩成者三人

于立得風字

廣庭清夜飲秋響起寒蟲香挹花間露涼生葉上風金
樽深對月綠酒淨涵空兩兩纖歌罷星河忽已東

釋良琦得林字

金氣生涼清夜靜
銀河垂地綠煙沉
庾公月下興不淺
宋玉秋來愁已深
自愛芙蓉當席好
可憐蟋蟀近人吟
東行萬里題詩徧
遮莫霜凋楓樹林

顧瑛得織字

空堂清飲夜厭厭
坐久情深酒屢添
龍氣當天河鼓濕
翠痕浮樹月鈎纖
梧桐葉落鳴金井
絡緯聲多近繡簾
我欲分題紀良集
詩成還慰老夫潛

堂之主人顧瑛仲瑛

至正十年秋七月十有三日起文高先生自姑蘇汎舟攜酒肴過玉山會飲芝雲堂上坐客于匡山琦龍門相與談詩亶亶不絕酒半龍門分藍田日暖玉生煙為韻予探得藍字坐無長幼能詩者咸賦焉

是日以藍田日暖玉生煙分韻賦詩詩成者七人

顧瑛得藍字

高堂正在玉山南竹色梧陰積翠嵐秀結紫芝雲作蓋
先生珠樹玉生藍每勞飛鳥花間使時有翔鸞月下驂
客至酒尊聊劇飲僧來麈尾聽清談行杯長待纖歌發
分韻還將險字探佛印固知元九九文殊何必說三三
莫忘石上三生約且盡山中十日酣當檻荷開香屢度
隔林花落雨同甍鹿門何處真成隱鷄舌他年自可含
送別江頭折楊柳西風應愧雪盈簪

于立得田字

虎頭之孫癡且賢結構地近婁江邊爾翁種德貴有
後之子積學才無前墮地明星忽為石鑿山種玉時生
煙傳書青龍度雲海聽經白鶴留芝田時時分題寫竹
下日日置酒迷花前西夏郎官富文采龍門上客多詩
篇紅蓮過雨涼氣合金粟倒影天香懸千軍筆力付一
掃長柄麈尾談重玄唐詩晉帖兩清絕吳歌趙舞雙婣
娟知君相顧最青眼念我未老先華顛漫如長頭好問
事只有赤手張空拳白雲山中月似水鑑湖亭畔波涵

天今朝且作千日醉住世曾結三生緣人生聚散等萍梗握手為子心茫然

昂吉得日字

涼風起高林秋思在幽室維時宿雨收候蟲語唧唧池
淨荷氣涼鳥鳴樹陰密主人列芳筵況乃巖酒律客有二
三子題詩滿細帙雙雙紫雲娘含笑倚瑤瑟清唱迴春
風靚粧照秋日人生再會難此樂亦易失出門未忍別
露坐待月出

釋良琦得暖字

飲酒以行禮百拜意何亶乃知古人心為樂戒盈滿賢
哉玉山士芳筵列華館杯行言色溫樂奏詩音緩清歌
蘭風起素手微露澣蕤滑入繪絲冰寒凝金盃洩洩父
子樂欣欣衆賓衍山水況在眼魚鳥共蕭散顏瓢日屢
空孔席不暇暖媿茲林泉者飽食事疎懶詩成月已出
竹院門可款清歡不知終秋宵一何短

顧衡得玉字

今日新雨霽山光淨如沐晚香浮水花秋聲在庭竹高
堂張綺筵談笑皆雍穆興酣襍觥籌詩成粲珠玉清時
多遺才白駒在空谷今者不為樂逝者良不復嗚嗚咽
洞簫裊裊度清曲更待明月生金尊照醺醖

顧進得生字

石根雲氣暖坐看紫芝生詩酒共為樂竹梧相與清仙
人同跨鶴玉女對吹笙過雨添涼思停杯待月明

徐彛得煙字

落日荷花顏色鮮
滿溪秋水不生煙
更留詩思明朝盡
十里南湖泛酒船

汝陽袁華子英

至正庚寅秋七月二十九日子與龍門山人良
琦會稽外史于立金華王禕東平趙元宴於顧
瑛氏芝雲堂酒半以古樂府分題以紀一時之
雅集詩不成罰酒二觥余汝陽袁華也
是日以古樂府分題賦詩詩成者三人

袁華賦得門有車馬客行

門有車馬客繡轂夾朱輪
玉鞍光照路翠蓋影搖春
高堂翼翼雲承宇燕蹴飛
花落紅雨升堂酌酒壽翁
媪吳娃歌歛楚女舞願翁
多子仁且武執戟明光奉
明明珠白璧何足數

顧瑛賦得山人勸酒

龍門山人會稽外史顏如
紅桃花貌若赤松子秋風
西來雲滿堂天香散落芙
蓉牀手持青蓮葉酌我荔
枝漿

荔枝漿荷花露綠陰主人在何處算來三萬六千日日
春風渾幾度山人歌山人舞山人勸酒向我語不見
遼東丁令威白鶴空歸華表柱歸去來在何時青山樓
閣相逶迤碧桃四時花滿枝花間玉笙鶯管吹老仙遲
子商山下商山玉泉生紫芝歸去來毋遲遲

于立賦得短歌行

白日苦易短百歲良非長今日花間露明朝草上霜黃
河無停波浩浩東入海弱水隔神山靈藥何由採羲和

總六轡蒼龍挾其軛迴車謁王母蛾眉生素秋虞淵沉
暮景忽在扶桑顛孰知青天上年年葬神仙樽中有美
酒澗澗浮春香調笑青霞侶嬋娟紫雲娘今日不飲酒
奈此白日何來者日益少去者日已多太極那能窮渾
沌不可補不知醉鄉人一息同千古誰云刀圭藥可以
養人骨天運未可期且盡杯中物

詩不成者三人各罰酒二觥

堂之主人顧瑛

子與揚君鐵崖別兩年矣庚寅嘉平之朔君自
淞泖過子溪上適永嘉曹新民自武林至相與
飲酒芝雲堂明日鐵崖將赴任曹君亦有茂異
之舉同往武林信歡會之甚難而分攜之獨易
安可不痛飲盡興以洗此憤憤之懷因以對酒
當歌為韻賦詩如左于匡廬屬瑛序數語為識
是日以對酒當歌分韻賦詩詩成者四人

楊維禎得對字

窮冬積繁陰快雨不破塊問途玉山下繫船桃溪匯主人聞客來把酒欣相徠窈窕雙歌停嬋娟兩眉黛談笑方云云妍媸各成態憶昔獻策時日炳重瞳對下馬宴璫林官桃出西內俯仰三十年同袍幾人在明當理行舟天遠征鴻背那能事煩劇曉出星猶戴行將謝冠冕歸荷山陽耒

曹睿得酒字

玄冬天氣佳野水碧如酒扁舟發吳門夜泊浣溪口緬

懷玉山人間者濶何久登堂問寒暄況復得良友佳人
發清唱春色動江柳熒熒燈燭光飲劇意彌厚人生苦
睽違勝集固不偶出門夜何其仰見參與斗明朝隔煙
雨相思一回首

于立得當字

歲宴霜霰集沃野陰茫茫客從何方來紫馬青絲韁主
人重意氣把手登高堂厭厭長夜飲耿耿華燭光纖歌
間屢舞急管催清觴詩成神與助愁多酒能當今者不

為樂逝者殊未央明當理舟楫雲帆逐風颺吳山春似
酒西湖水如霜出門一長嘯白雁東南翔

顧瑛得歌字

江空暮雲合歲晚霜霰多佳人美無度嚴裝逕相過夜
宴芝雲館明發玉山阿繁聲落虛溜急袖翻迴波客有
子曹子調笑春風歌終易離別別去愁蹉跎相思梅花
發不飲當如何

嘉宴序

淮海秦約仲文

至正龍集壬辰季秋二十有二日玉山顧君仲瑛張筵合樂於芝雲堂上時從子元佐以武功平賊由崑山節判而歸良用亦由京師漕運千戶而至蟬聯簪組交輝迭映鄉閭宗鄙莫不誇詡顧氏之盛焉而仲瑛則慨念門第之既興積累之不易於是會其宗族朋友燕飲而娛悅之一以敦親戚愛敬之情一以申誠飭勸勉之辭

曰樂曰和不褻不狎深得古人飲酒行禮之意
焉而約亦預獻酬之列酒既半乃揚觶起而言
曰先王制為飲食以通上下之情粵自周禮淪
墜古道益遠逮乎秦漢雖公卿之間其平居暇
日或得一燕會者非酺令之開則莫之敢而況
生熙洽之世際文明之運出無跋涉之勞居有
宴賞之適從容言笑樽俎歛浹日得以享親戚
故舊者不其幸乎諸君抱瑰異之才羽儀天朝

僂力王室且有日矣寧不各奮勵焉禮曰於旅也語其是之謂乎坐客有匡廬于彥成義興岳季堅汝陽袁子英河南陸良貴皆即席賦詩以紀斯會仲瑛俾子詮次其端復俾良用繪為圖故不辭而為之序焉淮海秦約書於玉山草堂

顧瑛

玉山九月界溪潯旭日朝開椿樹林門前子姪歸下馬堂上親朋來盍簪吾儕見面未白髮汝輩報君當赤心

舉座稱觴起為賀爛醉不辭清夜深

陸仁

有吳醴陵之故家乃在東崑之西界水涯平原漫衍土
壤沃洲迴渚曲龍盤孳莪第宅切雲起植以榆柳交
相遮駢枝接葉蔽戶牖大者合抱如星槎連林鬱蒼帶
煙霧鵲巢鳩乳飛慈鴟中有園池廣十井架巖鑿谷開
豁舒春風著花爛濯錦秋風落葉紅於霞鷄鳴犬吠自
旦暮桃源未須覓胡麻生祥下瑞天所念石上瑤芝秀

金葩有魴可羹鯉可鱠有雁可弋兔可置上堂愉愉奉
甘旨下堂雍雍手拱义阿翁素期鹿門隱阿母笑坐緹
仙車諸郎翩翩立庭下磨角定峙蘭茁芽家僮聚食一
萬指食時鐘鼓聞考馭荷鉏載耜集隴畝是穫是刈歌嘔啞
秋登告成築場圃黍稷梁稻同河沙東南大姓誰比數
玉山之人莫匪誇六瑚八簋宗廟器五色繅藉璧不瑕
威儀雅同江左謝况復好禮弗侈奢征求屢多郡府役
繭絲牛毛事紛諱日猶庖丁得肯綮迎刃節解孰敢訶

誦書讀詩足暇逸黃籬白日籤懸牙常時哦吟弄觚翰
宣城水曹與之差時秋九月霜未降紫萸斑爛菊始華
張筵華堂冠蓋集親朋洽燕情孔嘉阿咸官歸暎聯壁
並騎蹠踐黃毛駒愛之猶子重誠飭謂勤王事祿則加
虎符金章赤絲組爰挾櫛切木器亦作壘具紫玉珂聖朝恩渥
豈易致丈夫有才為國華稱觴獻酢衆樂作笙笛瑟筑
間箏琶熊蹯豹唇味畢具籩豆脩脯羅麇麇坐上上客
儼毛遂亦有辨士如田巴吳妹起作七盤舞鸞停鵠翔

整復斜主人投轄客暢飲既醉荅以龍團茶珠斗闌干
夜將曙擘蠟金蓮籠絳紗古云人生行樂耳白髮母令
垂鬢髻風埃南國星紀暮百年歡會能幾何我歌行葦
為君壽感君氣誼增猗嗟謂子不信如此酒願君壽考
子孫多神之聽之降福遐神之聽之降福遐

勾吳著姓比古為多然好尚不同不失之侈則
失之儉不失之鄙則失之迂出乎此必入乎彼未若
有玉山顧君仲瑛者好文而尚禮好賢而尚義不侈

不儉不鄙不迂承具慶之樂子孫彬彬如日之
方升如蘭之方茁雍容閑雅逍遙丘園誦詩讀
書沖然而有德居乎界溪之上祖宗世澤亦既
三百餘年矣不其盛乎然至玉山而益昌紆朱
曳紫代不乏人至正辛卯秋九月二十二日宗
族從子翼之氏仲淵氏適拜官歸玉山遂會親
戚故舊於芝雲之堂行酒獻酢動有禮容言相
勸勉不吳不敖深有古人行葦伐木之情既酒

半玉山賦詩四韻出以言事君必盡其忠入以
言事親必盡其孝藹然忠厚之氣形諸詠歌益
以見醴陵世澤之弗艾且將大有用於時也坐
客咸賦詩而淮海秦君仲文為之序予遂述其
事賦長句以荅以紀勝集云河南陸仁良貴書
於芝雲堂

袁華

巖巖崑丘丹崖翠壁曼立如削錢雲氣直與陽城連陽

城汗漫百里間，匯於界浦東。馳遙遙入海，不復還醴陵。
有孫居其上，族大而蕃衍。湖山鬱盤在屋之左右，喬木
合抱高插天。玉山山人種德，知有自宅此樂土。三百年
宜爾子孫蟄蟄才，而賢至正壬辰春。海寇肆標掠，放舟
來抵婁江邊。猶子佐也，有膽氣援劍斫賊首。拜君命，承
君恩，賜以白金之盃，挾以五色雲錦光鮮妍冠蓋。塞間
里入門下馬，意氣何飄然。仲也襲官自幽燕，一朝同歸
拜堂下。虎符赤組照，耀雙龍泉。玉山人張華筵，吳歛趙

舞修眉連娟撞鐘考鼓聲齜齜山人笑且言致君克舜
上況汝未華顛僂力王室盡忠孝爾曹當勉旃主客既
醉屢舞踰躑玉繩低轉銀河倒懸各保令名請毋忘角
弓嘉樹篇

于立

九月肅霜秋杲杲置酒高堂對晴昊阿咸聯翩擁冠蓋
滿堂賓客皆傾倒我昔勾吳為客初兩家兄弟知名早
頗學操觚弄詞翰伯氏差長仲氏好于今俯仰二十年

爾正崢嶸我衰老伯也有為能殺賊拔刀攬轡無難色
今年部糧入城去走馬歸來江上宅仲也承家有門蔭
三年去作燕都客一朝赤紱照虎符萬里鯨波浮天舶
叔氏有言咸爾聽蒞事事君忠且蓋男兒際遇自有時
爵位崇卑非所病況茲厯運際昌期宰相良明天子聖
稍待風塵靖四方看汝飛騰霜翮勁即今座客皆賢才
商彝周鼎聯璫瑰豈無詩章壓鮑謝亦有賦頌誇鄒枚
吳姬清歌趙姬舞鳳笙鸞管聲相催古來賢達盡黃土

嗟我不樂胡為哉主人勸客客復說請君試看天邊月
此夕清輝滿意圓明夜孤光還漸缺世間萬事豈有常
人生會少多離別但願無事長歡悅

岳榆

玉山九月霜未寒珊瑚碧樹青琅玕紅蠟光搖絳綃幙
銅龍露滴真珠盤高堂置酒宴賓客侃侃子弟咸衣
冠有仲字淵伯字翼起舞為壽永君歡伯也執轡力如
虎去年斫賊婁江干仲也歸來有父蔭萬里漕粟輕波

瀾赤符碧盃相照映青絲紫馬雙金鞍舉觴逡巡次第
起翠香暖影紅團樂座中賓客誰最舊舊者在前新者
後笑談氣岸干斗牛揮毫落紙龍蛇走森森子弟盡賢
才大貝南金耀瓊玖紫檀之槽玉奴手雲和妙曲瑀英
口人生至此樂無有主人勸客客長壽主人亦盡杯中
酒歲歲年年康且久

秦約

禹貢揚州域吳藩滄海邊舟車通貨殖生齒匝廬屋王

化由來被文風久矣宣衣冠詩巨族人物尚名賢雨露
栽培厚乾坤覆幬全流芳何袞袞積慶正淵淵丞相勛
庸著參軍學術專蟬聯知赫若玉立駭森然芝箭翹葩
麗琅玕擢秀鮮高堂雲翼宇閔閔日忘年遽道凌垠堦
雕楹帶曼延木蕖開步障園菊散連錢燕坐神超俗端
居思欲仙懸籤書萬卷曳履客三千翁媪頽頽好兒孫
綠髥妍鵲鵠昆弟念瓜瓞本支繇陳紀星猶聚姜肱被
共眠承家儀範在具慶畫圖傳從子尤才俊能官孰比

肩武功行論賞漕粟看騰騫燕饗來瓊佩公歸列玳筵
瑟笙調靜好几杖御安便登俎陳熊腊堆盤斫鱸貂
裘明雪積寶玦粲星躔新渥膺殊錫重門擁曲旃繡圍
花作陳縹色酒如川鍾愛推符朗憐才表謝玄鞚鷹金
絡索磬馬錦鞍韉絳節神州遠丹心魏闕懸恩榮圭組
重補報鼎彛鑄愛爾輞川墅慚予杜曲田高情深繼緒
嘉宴泐周旋載咏賓筵什仍歌行葦篇威儀申抑抑告
誠復惓惓宗鄙勞謙吉鄉閭揖讓先奮飛思感激容易

念迴遼貌虎方成穴鸞凰不受鞭虹光騰碧嶼玉氣燭
蒼煙把炬酣清夜摘詞絢綵牋座稱居士帶門泊孝廉
船懶性從迂拙微生果棄捐遺才宜慎簡聘帛會聯翩
種種頭顱白堂堂歲月遷遭時未遲暮撫景且留連憂
國孤忠炯懷人百慮牽棟梁收杞梓埏埴貴陶甄敢倚
文如海寧論筆似掾要當除宿莽還擬采芳荃岸幘瞻
湘漢寨惟想真燕茲辰紀良會剩語為冥詮

顧瑛

是日秦淮海泛舟過綽湖向夕未歸子與挂天
香坐芝雲堂以佇之堂陰枇杷如華爛炯如雪
乃移桃笙樹底據磐石相與奕棋遂勝其紫絲
囊而罷於是小蟠桃執文犀觥起賀金縷衣軋
鳳頭琴子亦擘古阮唯子雖切
喉口也酒甚歡而天香
鬱鬱有潛然之態俄而淮海歸且示以舟中所
咏子用韻并紀其事云

玉子岡頭秋宵冥石牀摘阮素琴停枇杷花開如雪白

楊柳葉落帶烟青
每聞投壺笑玉女
不堪鼓瑟怨湘靈
酒闌秉燭坐深夜
細雨小寒生翠屏

鈔本四庫全書

卷八

金粟影題句

達兼善隸額

波澄月影秋痕冷
露浥天香夜氣浮

詩

清河張天英

金粟軒前兩玉樹
樹上四時金粟開
前身想是青蓮老
有客常乘黃鶴來
夜中見月色如幻
天外落花香滿臺
我醉攀花弄明月
誰人不愛謫仙才

屠性彥德

桂樹叢生雙澗側
玄堂羽蓋擁團團
流膏久矣成芝菌
結蔭終當集鳳鸞
雨露春深增怵惕
溪山秋晚耐高寒
淮南不用歌招隱
留與雲仍百世看

陸仁良貴

池鳥夜喧寂水屋月流明
坐深清景邁不知蓮露盈

袁華子英

丹青金粟影絕筆自齊梁
虎頭家法在不似謫仙狂

于立彥成

虎頭愛畫金粟影
奈爾雲仍癡更多
軒外花枝齊亞石
檐間樹色亂侵波
天香每愛秋來好
仙珮時從月下過
老盡芙蓉涼在水
星槎自此泛銀河

釋良琦元璞

幽香攔檻絕
低小渾似毘那丈
室空金粟花
浮雙樹月
白蓮香散一池風
每聞天鶴乘雲下
莫遣仙姝入座中
却媿袈裟留滯久
釣船猶繫柳橋東

鄭元祐明德

巖桂花開江浦流
辟疆園裏舊曾遊
天方雨粟成金色
風直吹香上玉樓
空裏寶雲獅子座
鏡中絲髻鸕鶿裘
姮娥手種誰攀得
一曲鸞笙萬壑秋

黃玠伯成

曲曲欄干屋角西
波光夜色靜相迷
花跗絕似鑄金粟
木理真同截水犀
移席就涼留客久
舉杯邀月近人低
長生豈必玄霜劑
玉杵爛春紅雪泥

秦約文仲

彼美蟾宮侶愛茲叢桂陰乘空雨金粟躡月下珠林忘
慮思玄賞澄光見道心天香端可掬細細點衣襟

吳郡顧達

密蕊碎凝蠟纖枝重布陰雨花天女散月殿素娥臨流
雲度綺席零露下珠林虎頭癡更絕倚檻自清吟

彭采

閒窻見明月團團弄清輝湛露下庭柯幽香發華滋手
舉青玉案嘉與仙人期遨遊青雲中遺我最高枝茹芳

咽瑤液插花醉瑤池中有羣鳳鳴景星亦相隨高軒夜
深坐秋影正歲蕤勿持廣寒斧為賦小山辭

分韻詩引

匡廬于立彥成

夜坐金粟池上涼雨初過荷氣浮動秋思儵然
各分韻口占成詩以紀事時七月十日也是夕
以荷淨納涼時平聲字為韻詩成者三人

于立得荷字

金粟池中萬柄荷，亭邊碧樹密交柯。
無端一陣西風雨，添得新涼思更多。

顧瑛得涼字

翠沼新秋浴夜光，畫欄古樹發天香。
西風陣陣廉纖雨，荷葉荷花不奈涼。

釋良琦得時字

雨浥荷花香滿池，水涵樓閣影參差。
舊遊忽憶西湖夢

第一橋頭看月時

天香詞序

汝陽袁華子英

至正龍集壬辰之九月玉山主人宴客於金粟
影亭時天宇澂穆丹桂再花水光與月色相盪
芳香共逸思俱飄衆客飲酒樂甚適錢塘桂天
香氏來靚粧素服有林下風遂歌淮南招隱之
詞玉山於是執觥起而言曰夫桂盛于秋不凋
于冬又不與桃李競秀或者以為月中所植信

有之矣今桂再花天香氏至豈非諸君子躡雲
梯占鰲頭之徵乎請為我賦之汝陽袁華子英
乃口占水調俾歌以復主人率座客咸賦焉

袁華

山橫黛眉淺雲擁髻鬟愁天香笑攜滿袖曾向廣寒遊
素腕光搖寶釧金縷聲停象板歌罷不勝秋十指露春
筍佯整玉搔頭 記錢塘朝載酒夜藏鈎青衫斷腸司
馬消減舊風流三百六橋春色二十四番花信重會在

蘇州水調按新曲明月照高樓

于立

微紅暈雙臉濃黛寫新愁好是霓裳仙侶曾向月中遊
憶得影娥池上金粟盈盈滿樹風露九天秋折取一枝
去簪向玉人頭 夜如年天似水月如鉤只恐芳時暗
換脈脈背人流莫唱竹西古調喚醒三生杜牧遺夢繞
揚州醉跨青鸞去雙闕對瓊樓

顧瑛

金粟綴仙樹玉露浣人愁誰道買花載酒不似少年遊
最是宮黃一點散下天香方解來自廣寒秋蝴蝶逐人
去雙立鳳釵頭向樽前風滿袖月盈鈎縹緲羽衣天
上遺響遏雲流二十五聲秋點三十六宮夜月橫笛按
伊州同躡彩鸞背飛過小紅樓

岳揄

風清玉蟾瑩霜薄翠鸞愁夜深羽衣一曲如在月宮遊
色占名園琪樹香動仙巖貝闕攜手正宜秋登科當小

試私語更低頭 赤欄橋金粟影繡簾鈎荷花六郎摸
樣消得一風流遺落文昌籍姓重疊太妃名字聲價滿
神州貯君鴛鴦閣期我鳳皇樓

天香姓桂名真


陸仁

露冷廣寒夜喚醒玉真愁銀橋憶得飛度曾侍上皇遊
一曲霓裳按罷兩袖天香歸後人去已千秋笑倚金粟
樹斜挿玉搔頭 憶錢塘今夜月也如鈎題詩欲寄紅
葉又怕水西流誰把琵琶彈恨愁絕多情司馬不是在

江州醉飲玉山裏有霧遠飛樓

張遜

玉樹後庭曲千載有餘愁碧月夜涼人靜曾賦采華遊
玉露細搖金縷香霧輕籠翠葆折下一天秋張緒總能
老還自鎖眉頭把鸞牋裁繡句寫銀鈎迴文巧成錦
字長恨與江流漠漠梁間燕子欸欸花邊蝴蝶夢覺却
并州獨感舊時月還復照西樓



玉山名勝集卷八